

ბიუჯეტი, როგორც სოციალური კონტრაქტი

ნინო ხომასურიძე
სტუ-ს დოქტორანტი

ქეთევან კაკაურიძე
სტუ-ს დოქტორანტი

რეზიუმე

თანამედროვე სამყაროში სახელმწიფო ბიუჯეტის როლი მნიშვნელოვნად გაფართოვდა და იგი აღარ შემოიფარგლება მხოლოდ ფინანსური რესურსების დაგეგმვით. ბიუჯეტი გადაიქცა სოციალურ ეკონომიკური პოლიტიკის ძირითად ინსტრუმენტად, რომლის მეშვეობითაც სახელმწიფო ახორციელებს რესურსების გადანაწილებას, ამცირებს უთანასწორობას და უზრუნველყოფს საზოგადოებრივი კეთილდღეობის ზრდას. სწორედ ამ მიზეზით, ბიუჯეტის განხილვა როგორც სოციალური კონტრაქტის პრაქტიკული გამოხატულება განსაკუთრებულ აქტუალობას იძენს. გლობალიზაციის, ეკონომიკური კრიზისებისა და სოციალური უთანასწორობის ზრდის პირობებში, სულ უფრო მკვეთრად იკვეთება სახელმწიფოს პასუხისმგებლობა მოქალაქეების წინაშე. ბოლო წლების გამოცდილებამ, მათ შორის პანდემიისა და ეკონომიკური შოკების ფონზე, ცხადყო, რომ ეფექტიანი და სამართლიანი საბიუჯეტო პოლიტიკა კრიტიკულად მნიშვნელოვანია როგორც სოციალური სტაბილურობის, ასევე ეკონომიკური მდგრადობის უზრუნველსაყოფად. ამ პირობებში ბიუჯეტი არამხოლოდ ეკონომიკური მართვის საშუალებაა, არამედ საზოგადოებრივი ნდობისა და სოციალური შეთანხმების შენარჩუნების მექანიზმიც.

საქართველოს კონტექსტში აღნიშნული თემა განსაკუთრებით აქტუალურია, რადგან ქვეყანა დგას სოციალური პოლიტიკის გაუმჯობესებისა და რესურსების უფრო სამართლიანი გადანაწილების საჭიროების წინაშე. პენსიების ინდექსაცია, ჯანდაცვის დაფინანსება და სოციალური პროგრამების ეფექტიანობა წარმოადგენს იმ მნიშვნელოვან საკითხებს, რომლებიც პირდაპირ უკავშირდება სახელმწიფოსა და მოქალაქეებს შორის არსებული სოციალური კონტრაქტის ხარისხს. შესაბამისად, ბიუჯეტის, როგორც სოციალური კონტრაქტის ანალიზი მნიშვნელოვანია, როგორც თეორიული ასევე პრაქტიკული თვალსაზრისით.

საკვანძო სიტყვები: სოციალური კონტრაქტი, რესურსების შეზღუდულობა, გამჭვირვალობა, ანგარიშვალდებულება, სოციალური სამართლიანობა

BUDGET AS A SOCIAL CONTRACT

Nino Khomasuridze
PhD student of GTU
Ketevan Kakauridze
PhD student of GTU

RESUME

In the modern world, the role of the state budget has expanded significantly and is no longer limited to planning financial resources. The budget has become the main instrument of social and economic policy, through which the state allocates resources, reduces inequality and ensures the growth of public welfare. For this reason, the consideration of the budget as a practical expression of the social contract is gaining particular relevance. In the conditions of globalization, economic crises and growing social inequality, the state's responsibility to its citizens is becoming increasingly clear. The experience of recent years, including the pandemic and economic shocks, has shown that effective and fair budgetary policy is critically important for ensuring both social stability and economic sustainability. In these conditions, the budget is not only a means of economic management, but also a mechanism for maintaining public trust and social agreement.

In the Georgian context, this topic is particularly relevant, as the country faces the need to improve social policy and more equitable distribution of resources. Pension indexation, healthcare financing, and the effectiveness of social programs are important issues that are directly related to the quality of the social contract between the state and citizens. Accordingly, the analysis of the budget as a social contract is important, both from a theoretical and practical point of view.

Keywords: social contract, resource constraints, transparency, accountability, social justice

სახელმწიფო ბიუჯეტი ხშირად აღქმულია, როგორც ტექნიკური ფინანსური დოკუმენტი, თუმცა რეალურად იგი წარმოადგენს სოციალურ კონტრაქტს სახელმწიფოსა და მოქალაქეებს შორის. სწორედ ბიუჯეტის მეშვეობით ხდება საზოგადოების საერთო რესურსების გადანაწილება, რაც ასახავს ქვეყნის პრიორიტეტებს, ღირებულებებს და სოციალური სამართლიანობის დონეს. სოციალური კონტრაქტი ნიშნავს, რომ მოქალაქეების გარკვეულ უფლებებსა და რესურსებს გადასცემენ სახელმწიფოს, რათა სანაცვლოდ მიიღონ უსაფრთხოება, კეთილდღეობა და მომსახურება. ბიუჯეტი კი ამ შეთანხმების პრაქტიკულ გამოხატულებას წარმოადგენს. მაშინ როდესაც ბიუჯეტი არ უზრუნველყოფს რესურსების სამართლიან გადანაწილებას, მოქალაქეებს უჩნდებათ განცდა, რომ სახელმწიფო ვერ ასრულებს თავის ვალდებულებებს, რაც ასუსტებს ნდობას და არღვევს სოციალური კონტრაქტის პირობებს. ბიუჯეტი უნდა ემსახურობოდეს ყველაზე დაუცველი ჯგუფების ცხოვრების ხარისხის გაუმჯობესების მცდელობას.

სახელმწიფო ბიუჯეტი ტრადიციულად აღიქმება, როგორც ფინანსური გეგმა, რომელიც განსაზღვრავს შემოსავლებისა და ხარჯების მოცულობას განსაზღვრული პერიოდის განმავლობაში. თუმცა თანამედროვე ეკონომიკურ და პოლიტიკურ მეცნიერებაში ბიუჯეტი ბევრად უფრო ფართო მნიშვნელობას იძენს. იგი არა მხოლოდ ეკონომიკური ინსტრუმენტია, არამედ სოციალური ურთიერთობების ერთ-ერთი მთავარი მექანიზმი, რომელიც ასახავს სახელმწიფოსა და მოქალაქეებს შორის არსებულ შეთანხმებას. სწორედ ამ კონტექსტში ბიუჯეტი შეიძლება განვიხილოთ, როგორც პრაქტიკული გამოხატულება. სოციალური კონტრაქტის იდეა გულისხმობს იმას, რომ მოქალაქეები გარკვეულ თავისუფლებასა და რესურსებს გადასცემენ სახელმწიფოს, სანაცვლოდ კი იღებენ სტაბილურობასა და საზოგადოებრივ კეთილდღეობას. სახელმწიფო ბიუჯეტი ამ შეთანხმების მატერიალიზებული ფორმაა, რადგან იგი განსაზღვრავს, თუ როგორ ხდება ხდება საზოგადოების მიერ შექმნილი რესურსების მობილიზაცია და გადანაწილება. შესაბამისად, ბიუჯეტის სტრუქტურა და პრიორიტეტები ასახავს არა მხოლოდ ეკონომიკურ პოლიტიკას, არამედ ქვეყნის სოციალურ და პოლიტიკურ ღირებულებებს.

სოციალური კონტრაქტის თეორია დაკავშირებულია იმ გარემოებასთან, რომ სახელმწიფო იღებს ლეგიტიმაციას მოქალაქეების თანხმობის საფუძველზე. ჰობსის მიხედვით, სახელმწიფო აუცილებელია ქაოსისა და „ყველა ომის“ თავიდან ასაცილებლად; ლოკი ხაზს უსვამს საკუთრებისა და

ინდივიდუალური უფლებების დაცვას; ხოლო რუსო ამტკიცებს, რომ სახელმწიფომ უნდა გამოხატოს „საერთო ნება“. ამ თეორიების ერთ-ერთი მნიშვნელოვანი პრაქტიკული გამოვლინება სწორედ ბიუჯეტია, რადგან იგი აჩვენებს რამდენად ასრულებს სახელმწიფო საკუთარ ვალდებულებებს მოქალაქეების წინაშე. თანამედროვე თეორიაში განსაკუთრებული ადგილი უჭირავს სამართლიანობის კონცეფციას, რომლის მიხედვითაც სოციალური და ეკონომიკური უთანასწორობები უნდა იყოს მოწყობილი ისე, რომ მაქსიმალურად სასარგებლო იყოს ყველაზე ნაკლებად უზრუნველყოფილი ჯგუფებისათვის. ეს მიდგომა პირდაპირ უკავშირდება საბიუჯეტო პოლიტიკას და სოციალური ხარჯების სტრუქტურას.

სახელმწიფო ბიუჯეტი ამ პროცესში რამდენიმე ფუნქციას ასრულებს: ა) ალოკაციური ფუნქცია, რომლის მიხედვითაც რესურსების განაწილება ხდება სხვადასხვა სექტორებს შორის; ბ) რედისტრიბუციური ფუნქცია გულისხმობს შემოსავლების გადანაწილებას სოციალური უთანასწორობის შესამცირებლად და გ) სტაბილიზაციის ფუნქცია ემსახურება ეკონომიკური ციკლების დაბალანსებას.

სოციალური კონტრაქტის პერსპექტივიებიდან განსაკუთრებით მნიშვნელოვანია რედისტრიბუციური ფუნქცია. თუ სახელმწიფო ვერ უზრუნველყოფს სამართლიან გადანაწილებას, მოქალაქეებში მცირდება ნდობა და იზრდება სოციალური დაძაბულობა. შესაბამისად, ბიუჯეტი არა მხოლოდ ეკონომიკური ინსტრუმენტია, არამედ სოციალური სტაბილურობის საფუძველიც. სოციალური სამართლიანობა ერთ-ერთი მთავარი კრიტერიუმია, რომლის მიხედვითაც უნდა შეფასდეს სახელმწიფო ბიუჯეტი. პროგრესული გადასახადები, მიზნობრივი სოციალური პროგრამების და საჯარო სერვისებზე ხელმისაწვდომობა წარმოადგენს იმ მექანიზმებს, რომლებიც ხელს უწყობს უთანასწორობის შემცირებას. თანამედროვე სახელმწიფოებში ბიუჯეტი ხშირად გამოიყენება, როგორც სოციალური პოლიტიკის ინსტრუმენტი. მაგალითად: დაბალ შემოსავლიანი ჯგუფებისთვის სოციალური დახმარებები, საპენსიო სისტემები, უნივერსალური ჯანდაცვა და განათლების დაფინანსება. ამ კონტექსტში მნიშვნელოვანია, რომ ბიუჯეტმა არამხოლოდ ეკონომიკური ზრდა უზრუნველყოს, არამედ სოციალური თანასწორობაც. წინააღმდეგ შემთხვევაში, ეკონომიკური პროგრესი შეიძლება თან ახლდეს სოციალური უთანასწორობის გაღრმავებას, რაც საბოლოოდ არღვევს სოციალურ კონტრაქტს.

სოციალური კონტრაქტის ეფექტიანი ფუნქციონირება შეუძლებელია გამჭვირვალობისა და ანგარიშვალდებულების გარეშე. მოქალაქეებს უნდა

ჰქონდეთ ინფორმაცია იმის შესახებ, თუ როგორ იხარჯება მათი გადახდილი გადასახადები. გამჭვირვალე ბიუჯეტი უნდა გულისხმობდეს: საჯარო ინფორმაციის ხელმისაწვდომობას, დამოუკიდებელ აუდიტსა და მოქალაქეთა ჩართულობას გადანაწილების მიღებაში. მონაწილეობითი ბიუჯეტირება წარმოადგენს ერთ-ერთ თანამედროვე მექანიზმს, რომელიც აძლიერებს მოქალაქეთა როლს. ამ მიდგომით მოქალაქეები უშუალოდ მონაწილეობენ საბიუჯეტო პრიორიტეტების განსაზღვრაში, რაც ზრდის ნდობას სახელმწიფოს მიმართ და ამყარებს სოციალურ კონტრაქტს.

საქართველოს შემთხვევაში სახელმწიფო ბიუჯეტი მნიშვნელოვან როლს ასრულებს როგორც ეკონომიკური განვითარების, ასევე სოციალური პოლიტიკის განხორციელებაში. ბოლო წლებში განსაკუთრებით გაიზარდა სოციალური ხარჯების წილი, რაც მიუთითებს სახელმწიფოს მცდელობაზე გააძლიეროს სოციალური ფუნქცია. ერთ-ერთი მნიშვნელოვანი მიმართულებაა საპენსიო სისტემა. პენსიების ინდექსაცია მიზნად ისახავს ინფლაციის პირობებში ხანდაზმულთა შემოსავლების რეალური ღირებულების შენარჩუნებას. ეს წარმოადგენს სოციალური კონტრაქტის მნიშვნელოვან ელემენტს, რადგან სახელმწიფო იღებს პასუხისმგებლობას ყველაზე მონყვალდი ჯგუფების მხარდაჭერაზე. ასევე აღსანიშნავია საყოველთაო ჯანდაცვის პროგრამა, მნიშვნელოვნად გააფართოვა მოსახლეობის წვდომა სამედიცინო მომსახურებაზე. მიუხედავად ამისა, გამოწვევად რჩება: რესურსების შეზღუდულობა, რეგიონული უთანასწორობა, სოციალური პროგრამების ეფექტიანობა.

თანამედროვე ეკონომიკურ რეალობაში ბიუჯეტი აღიქმება, როგორც მექანიზმი, რომელიც უზრუნველყოფს რესურსების სამართლიან განაწილებას, სოციალური კეთილდღეობის ზრდასა და სახელმწიფოსადმი ნდობის განმტკიცებას. სოციალური კონტრაქტის იდეა ეფუძნება იმ პრინციპს, რომ მოქალაქეები სახელმწიფოს ანიჭებენ უფლებამოსილებას მართოს რესურსები, სანაცვლოდ კი ელოდებიან უსაფრთხოებას, სოციალურ დაცვასა და საჯარო სერვისების ხელმისაწვდომობას. ამ კონტექსტში ბიუჯეტი ხდება შეთანხმების ინსტრუმენტი, რომელიც ასახავს საზოგადოების პრიორიტეტებსა და ღირებულებებს. ის განსაზღვრავს, თუ როგორ ნაწილდება საგადასახადო შემოსავლები განათლებაზე, ჯანდაცვაზე, სოციალურ პროგრამებსა და ინფრასტრუქტურაზე. სახელმწიფო უზრუნველყოფს ბიუჯეტის დაგეგმვისა და შესრულების ღიაობას, იზრდება საზოგადოების ნდობა და ჩართულობა. მოქალაქეებს ეძლევათ შესაძლებლობა, არა მხოლოდ გადაიხადონ გადასახადები, არამედ

გააკონტროლონ მათი გამოყენების ეფექტიანობა. ამგვარი მიდგომა ამცირებს კორუფციის რისკებს და ხელს უწყობს რესურსების მიზნობრივ გამოყენებას. მნიშვნელოვანია ასევე პასუხისმგებლობის საკითხიც.

სოციალური კონტრაქტის ფარგლებში სახელმწიფო ვალდებულია ეფექტიანად მართოს ბიუჯეტი, ზოლო საზოგადოება კი შეასრულოს საგადასახადო ვალდებულებები. ამ ბალანსის დარღვევა იწვევს ეკონომიკურ და სოციალურ პრობლემებს, მათ შორის დეფიციტის ზრდას, ვალის დაგროვებასა და სოციალური უთანასწორობის გაღრმავებას. მისი სოციალური ფუნქცია კი განსაკუთრებით თვალსაჩინოა სოციალური დაცვის სისტემაში. სახელმწიფოს მიერ გადანაწილებული მიზანს ისახავს მონყვალდი ჯგუფის მხარდაჭერას, სიღარიბის შემცირებასა და ცხოვრების ხარისხის გაუმჯობესებას. ამ მხრივ ბიუჯეტი წარმოადგენს არა მხოლოდ ეკონომიკურ, არამედ ეთიკურ ინსტრუმენტსაც, რომელიც ასახავს სახელმწიფოს პასუხისმგებლობას მოქალაქეების წინაშე.

თანამედროვე გამონგვევების პირობებში როგორცაა ეკონომიკური კრიზისები, გლობალიზაცია და დემოგრაფიული ცვლილებები, ბიუჯეტის როგორც სოციალური კონტრაქტის როლი კიდევ უფრო იზრდება. აუცილებელია, რომ ბიუჯეტური პოლიტიკა იყოს მოქნილი, ინკლუზიური და ორიენტირებული გრძელვადიან შედეგებზე. მხოლოდ ამ შემთხვევაში იქნება შესაძლებელი ფისკალური მდგრადობის შენარჩუნება და სოციალური სამართლიანობის უზრუნველყოფა. ვინაიდან სახელმწიფო ბიუჯეტი წარმოადგენს სოციალური კონტრაქტის პრაქტიკულ გამოხატულებას, მისი ეფექტიანი დაგეგმვა და მართვა განსაზღვრავს როგორც ეკონომიკურ სტაბილურობას, ისე საზოგადოების კეთილდღეობას. შესაბამისად ბიუჯეტი სადმი დამოკიდებულია უნდა გასცდეს ტექნიკურ ჩარჩოებს და გადაიქცეს საზოგადოებრივი შეთანხმების მნიშვნელოვან ინსტრუმენტად, რომელიც აერთიანებს სახელმწიფოსა და მოქალაქეებს საერთო მიზნების მისაღწევად.

საქართველოს ბიუჯეტის ანალიზი აჩვენებს, რომ მიუხედავად პროგრესისა, კვლავ არსებობს საჭიროება უფრო ეფექტიანი და სამართლიანი გადანაწილების მექანიზმების განვითარებისათვის. განსაკუთრებით მნიშვნელოვანია, რომ საბიუჯეტო პოლიტიკა იყოს მეტად ორიენტირებული შედეგებზე და სოციალური კეთილდღეობის გაზრდაზე. შესაბამისად, სახელმწიფო ბიუჯეტი წარმოადგენს სოციალური კონტრაქტის ერთ-ერთ ყველაზე მნიშვნელოვან ინსტრუმენტს. იგი განსაზღვრავს, თუ როგორ ხდება რესურსების მობილიზება და გა-

დანაწილება, და შესაბამისად ასახავს სახელმწიფოს პრიორიტეტებსა და პასუხისმგებლობას მოქალაქეების წინაშე. სამართლიანი, გამჭვირვალე და ეფექტიანი ბიუჯეტი აძლიერებს ნდობას სახელმწიფოს მიმართ და ხელს უწყობს სოციალური სტაბილურობისა და ეკონომიკური განვითარების მიღწევას. საქართველოს მაგალითი ცხადყოფს, რომ მიუხედავად არსებული პროგრესისა, კვლავ საჭიროა საბიუჯეტო პოლიტიკის გაუმჯობესება სოციალური სამართლიანობისა და ეფექტიანობის მიმართულებით. ამრიგად, ბიუჯეტი არ უნდა განვიხილოთ მხოლოდ როგორც ფინანსური დოკუმენტი, არამედ იგი წარმოადგენს სახელმწიფოსა და საზოგადოების ურთიერთობის საფუძველს, ანუ სოციალურ კონტრაქტს, რომლის ხარისხი განსაზღვრავს ქვეყნის განვითარების მიმართულებას.

გამოყენებული ლიტერატურა:

1. იაკობიძე დ. „გლობალური დინამიზმის ქართული სინამდვილე“ თბილისი 2011
2. მამალაძე ი. პროგრამული ბიუჯეტირება და საჯარო სექტორის ეფექტიანობა. თბ. 2013
3. სიჭინავა, ა. სახელმწიფო ბიუჯეტის ანალიზი და ფისკალური პოლიტიკა საქართველოში. თბ. 2017
4. პაპავა, ვ. საქართველოს ეკონომიკა და ფისკალური პოლიტიკა. თბილისის სახელმწიფო უნივერსიტეტის გამომცემლობა. 2015
5. ჭითანავა ნ. თაკალანძე ლ. - „სოციალური ეკონომიკა“ თბილისი. 2008
6. ჭიკაძე ნ. „კორნომიკა და ეკონომიკური პოლიტიკის თანამედროვე გამოწვევები“ ჟურნ. „ბიზნეს ინჟინერინგი“ N3. 2016.